

Na osnovu člana 72. Zakona o javnim nabavkama Bosne i Hercegovine ("Službeni glasnik BiH" broj 39/14), nakon provedenog konkurentskog zahtjev za pružanje štamparskih usluga, zaključuje se:

U G O V O R
o pružanju štamparskih usluga

Između:

1. Direkcija za evropske integracije, Vijeće ministara Bosne i Hercegovine, Bosna i Hercegovina, Sarajevo, ul. Đoke Mazalića broj 5, koju zastupa direktor Edin Dilberović (u daljem tekstu: Ugovorni organ)

i

2. GrafoMark d.o.o. Laktaši, ulica Rudera Boškovića broj 7, kojeg zastupa direktor Jelena Milinčić, (u daljem tekstu: Pružalac usluga)

Član 1.

(1) Predmet ovog Ugovora je pružanje štamparskih usluga na osnovu provedenog konkurentskog zahtjeva, koje će Pružalac usluga pružiti Ugovornom organu prema odredbama ovog Ugovora po ukupnoj cijeni ponude u iznosu od 6.640,00 KM bez PDV-a.

(2) Predmetni postupak se provodi za pružanje štamparskih usluga EU Palčić broj 13.

Član 2.

Sastavni dio ovog Ugovora je Ponuda Pružaoca usluga od dana 10.10.2022. godine sačinjena prema Obrascu za cijenu ponude kako slijedi:

Red. br.	Opis	Jedinica mjere	Količina	Jedinična cijena bez PDV-a	Ukupna cijena bez PDV-a
1.	Tehnički elementi EU Palčić broj 13 Tehnički elementi Format : 19x26 cm Obim : 4 stranice, K.B. 16 str. Unutrašnje stranice: UPM satin 90 gr/m2 Uvez: 2 x klamano Korice: KD 135 gr/m2 Štampa: full color	kom	16.600 primjeraka	0,40	6.640,00
UKUPNA CIJENA BEZ PDV-a:					6.640,00
POPUST:					0,00
UKUPNA CIJENA SA POPUSTOM BEZ PDV-a:					6.640,00

Član 3.

- (1) Pružalac usluga obavezuje se da će štampanje publikacije izvršiti prema nalogu Ugovornog organa, u roku najkasnije 7 (sedam) radnih dana od preuzimanja podataka, te da će unutar tog roka dostaviti probni otisak publikacije, kako bi Ugovorni organ dao konačan nalog za dalju izradu naručenih komada.
- (2) Pružalac usluga obavezuje se da će štampana publikacija biti adresirana i pakovana na osnovu podataka koji su navedeni u distribucionoj listi Tabela 1.
- (3) Preuzimanje i distribuciju štampanih publikacija izvršiti će firma koju angažuje Ugovorni organ na adresi izabranog Pružaoca usluga. Troškove distribucije snosi Ugovorni organ.

Član 4.

1. Pružalac usluga se obavezuje da usluge fakturiše u ugovorenim rokovima, na osnovu otpremnih dokumenata potvrđenih od strane Ugovornog organa da su usluge izvršene i da je iste prihvatio.
2. Pružalac usluga se obavezuje na nepromjenljivost ponuđenih cijena za ugovorene usluge tokom cijelog ugovornog perioda.
3. Pružalac usluga se obavezuje da će isporuku predmetne usluge izvršiti u skladu sa zahtjevima Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta i količine pružene usluge.
4. Ugovorni organ je obavezan dostaviti pismeno obavještenje o svakom navedenom propustu Pružaoca usluga po Ugovoru.
5. Ugovorni organ će utvrditi razuman rok za ispravku propusta Pružaoca usluga u smislu izvršene isporuke.
6. U slučaju nepostupanja Pružaoca usluga u skladu sa stavom (3) ovog člana, Ugovorni organ može djelimično ili potpuno raskinuti Ugovor i prije njegovog isteka, uz predhodno izmirenje svih obaveza utvrđenih po osnovu istog.
7. Ugovorni organ će plaćati fakturu za pružene usluge propisanim platnim nalogom za plaćanje u roku od 15 dana od dana isporuke.

Član 5.

Pružalac usluga ne može zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci od zaključenja ugovora.

Član 6.

- (1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 31.12.2022. godine.
- (2) Predmetni Ugovor stupa na snagu od dana potpisivanja obje ugovorne strane.
- (3) Odredbe ovog Ugovora ne mogu se mijenjati nakon njegovog zaključenja.

Član 7.

- (1) Ugovor se raskida pismenom izjavom koja se dostavlja drugoj ugovornoj strani. U izjavi mora biti naveden razlog zbog kojeg se ugovor raskida.
- (2) Ako ugovorne strane sporazumno raskinu ugovor, tim sporazumom regulisat će se sva pitanja nastala povodom njegovog raskida.

Član 8.

- (1) Na pitanja koja nisu uređena ovim ugovorom primjenjuju se odredbe Zakona o obligacionim odnosima.

(2) Eventualno nastale sporove pri realizaciji ovog Ugovora ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 9.

Ovaj ugovor je sačinjen u dva (2) istovjetna primjeraka, pri čemu svaka ugovorna strana zadržava po dva (2) primjerka.

Pružalac usluga

Direktor
Jelena Milinčić
Lider konzorcija



Broj: 22/22

Datum, 07.11.2022

Ugovorni organ

Direktor
Edin Dilberović



Broj: 05-11-16-4-78-56-25/22

Datum, 07.11.2022-gocinsko